



23 JAN, 2024

## KPKM perlu pastikan bekalan makanan terjamin

Sinar Harian, Malaysia

Page 1 of 2

# KPKM perlu pastikan bekalan makanan terjamin

**WARGA** Kementerian Pertanian dan Keterjaminan Makanan (KPKM) telah menunjukkan semangat kerja yang tinggi dalam mengharungi tahun 2023 menerusi isu *bread and butter* pengguna, namun rakyat menuntut pengukuhan segera dapat dilaksanakan pada 2024.

Syukur apabila KPKM bertindak pantas melaksanakan program jualan Agromadani secara terus dari ladang dengan tawaran harga antara 10 peratus hingga 30 peratus lebih rendah berbanding pasaran.

Terdapat rungutan tentang kekurangan beras putih tempatan di pasaran namun situasi itu dijangka semakin reda melalui hasil tuaian padi hujung tahun oleh Lembaga Kemajuan Pertanian Muda (MADA).

Purata pengeluaran beras negara masih belum mencukupi kerana kadar SSR baru mencapai 65 peratus. Sebab itu usaha untuk meningkatkan nilai SSR ini perlu diteruskan dan ditingkatkan bagi 2024.

Sekiranya ada kekurangan, perlu



**Purata pengeluaran beras negara masih belum mencukupi kerana kadar SSR baru mencapai 65 peratus.**

ditambah baik. Kejayaan yang dicapai pada 2023 perlu dipertingkatkan dan kelangsungan agenda membantu rakyat mesti digandakan dan diteruskan.

Pada awal 2023, Menteri Pertanian dan Keterjaminan Makanan, Datuk Seri Mohamad Sabu telah menggariskan lima hala tuju kementerian iaitu akuakultur, penternakan lembu secara fidlot, jagung bijian, penglibatan anak muda dan

pemerkasaan institut latihan pertanian.

Dalam Majlis Amanat Tahun Baharu KPKM, Mohamad menjelaskan bermula 2024 hingga 2030 suntikan pengukuhan melalui pelaksanaan dan Pengukuhan Inovasi Nasional Keterjaminan Agromakanan Rakyat (PINTAR) akan diberi penekanan komprehensif.

PINTAR merupakan *game changer* dalam usaha KPKM untuk mereformasi sektor agromakanan. Ia bukan satu konsep baharu tetapi amat kritikal untuk memastikan peningkatan produktiviti dan kelestarian sektor agromakanan negara.

Tahun lalu, berlaku kesan rantaian bekalan makanan global akibat perang Russia-Ukraine dan tahun ini pula ketegangan di Timur Tengah terutamanya perang di Gaza.

Justeru, KPKM perlu memberi fokus untuk mengukuhkan tiga lagi industri sedia ada dan satu industri rintis iaitu industri padi dan beras, ayam serta telur, bawang dan tanaman nanas.

Kejayaan yang dicapai tahun lepas perlu dipertingkatkan dan kelangsungan agenda membantu rakyat mesti diteruskan.

- Amirul Azim, Kuala Lumpur



23 JAN, 2024

## KPKM perlu pastikan bekalan makanan terjamin

Sinar Harian, Malaysia

Page 2 of 2

### SUMMARIES

WARGA Kementerian Pertanian dan Keterjaminan Makanan (KPKM) telah menunjukkan semangat kerja yang tinggi dalam mengharungi tahun 2023 menerusi isu bread and butter pengguna, namun rakyat menuntut pengukuhannya segera dapat dilaksanakan pada 2024. Syukur apabila KPKM bertindak pantas melaksanakan program jualan Agromadani secara terus dari ladang dengan tawaran harga antara 10 peratus hingga 30 peratus lebih rendah berbanding pasaran.